

इवनिंग डोगरी न्यूज़ बुलेटिन

समे .18:15 Hrs

एह आकाशवाणी जम्मू ऐ, संजा खबरें च तुंदा सुआगत, पैहलें खास-खास खबरें कन्ने में शिवि सूरी।

<><><><><><>

Headlines

- 1 कठुआ च बदमाशें बश्कार होए दे टाकरे च इक पुलस सब इंस्पेक्टर शहीद ते इक एसपीओ ज़ख्मी, उपराज्यपाल मनोज सिन्हा ते डीजीपी आर.आर स्वैन होरें शहीद पी.एस.आई होरें गी श्रद्धांजलि अर्पित कीती।
- 2 केंद्री मंत्री राजनाथ सिंह होरें आखेआ जे प्रधानमंत्री नरेंद्र मोदी हुंदी अगुवाई तैहत विश्व च भारत शीर्ष 5एं चां इक्क अर्थ बवस्था बनी गेदी ऐ।
- 3 चुनांस आयोग राज्य ते केंद्र शासित प्रदेशों दे कनून-बवस्था लागू कराने आहिलयें एजेंसिएं कन्ने बैठक लाटरदे न तां जे कनून बवस्था ते गैर कनूनी ते होरनें गतिविधियें दी रोकथाम दा जायजा लैता जाई सकै।
- 4 मुख सचिव अटल डुल्लु होरें एच.ए.डी.पी तैहत परियोजनावार तरीके नै परियोजनाएं दा जायजा लैता।

<><><><><><>

ते हुन खबरें दी तफसील कन्ने श्रुति खजूरिया।

<><><><><><>

Encounter-Kathua

पुलस ते बदमाशें दे इक गिरोह बश्कार होए दे टाकरे च प्रोबेशनरी सब इंस्पेक्टर दीपक शर्मा होर शहीद होई गए। अज्ज बड्डलै पठानकोट दे इक निजी अस्पताल च इलाज दौरान उनें दम त्रोड़ी दिता ते ओह वीरगति गी प्राप्त होई गए। दीपक शर्मा हुंदे पार्थिव शरीर गी औपचारिकता पूरियां करने मगरा खीरी संस्कार लेई उंदे घर भेजी दिता गेआ। साहडे जिला संवाददाता प्रदीप शर्मा दी रिपोर्ट मुजब टाकरे च इक बदमाश बी मारेआ गेआ ऐ। पुलस रिपोर्ट मुजब जीएमसी कठुआ कश पुलस ते बदमाशें बश्कार टाकरा शुरू होआ ते पीएसआई दीपक शर्मा होरें गी जेडे रामगढ़ च तैनात हे, गी सिर पर चोट लग्गी। इस टाकरे च एसपीओ अनिल कुमार बी घायल होआ ऐ। दौनें घायल गी जीएमसी कठुआ थवां पठानकोट दे निजी अस्पताल च दाखल करोआया गेआ। अज्ज बड्डलै पीएसआई दीपक शर्मा होर वीरगति गी प्राप्त होई गए।

<><><><><><>

LG-Tribute

उपराज्यपाल मनोज सिन्हा होरें प्रोबेशनर सब इंस्पेक्टर दीपक शर्मा होरें गी श्रद्धांजलि भेंट कीती। अपनी इयूटी गी अंजाम दिंदे होई दीपक शर्मा होरें अपना सर्वोच्च बलिदान दिता। उपराज्यपाल होरें सोशल मीडिया मंच पर पीएसआई दीपक शर्मा होरें गी श्रद्धांजलि भेंट कीती जिनें कठुआ च वांछित बदमाश गी फगड़ने दौरान होई दी कार्रवाई च अपना सर्वोच्च बलिदान दिता। उनें सौगी परौआर कन्नै अपनियां संवेदना बी जाहिर कीतियां।

<><><><><><>

DGP-PSI

पुलस महानिदेशक आर.आर स्वैन होरें पुलस दे प्रोबेशनरी सब इंस्पेक्टर दीपक शर्मा हुंदी दलेरी ते बहादुरी गी नमन कीता। कठुआ च इक बदमाश कन्नै होए दे टाकरे च दीपक शर्मा होर घायल

होई गए हे। उन्हें गी सिर च चोट लग्गी दी ही। डी.जी.पी होंरें आखेआ ऐ जे दीपक शर्मा हुंदा बलिदान म्हेशां चेता रक्खेआ जाग। जम्मू-कश्मीर पुलस परोआर ते अपनी भेठा दा डीजीपी होंरें सौगी परोआर प्रति संवेदना जाहिर कीतियां। उन्हें आखेआ जे जम्मू-कश्मीर पुलस शहीद दे परोआर कन्नै ऐ। शर्मा होंरें इलाज दौरान दम त्रोड़ी दिता हा ते ओह वीरगति गी प्राप्त होई गए। डीजीपी होंरें दस्सेआ जे इस कार्रवाई च इक एसपीओ बी घायल होआ ऐ।

<><><><><><>

Rajnath Economics

भारती जनता पार्टी दे वरिष्ठ नेता ते केंद्री मंत्री राजनाथ सिंह होंरें आखेआ ऐ जे प्रधानमंत्री नरेंद्र मोदी हुंदी अगुवाई च दुनिया दी शीर्ष 5 अर्थ बवस्थाएं च शामिल होई गेआ ऐ ते 2027 तगर त्री सब्बनें थवां बड्डी अर्थ बवस्था बनाने गी त्यार ऐ। गाजियावाद च चुनांस रैली गी संबोधित करदे होई उन्हें आखेआ जे भारत 2047 तगर दुनिया दी सब्बनें थवां बड्डी अर्थ बवस्था बनी सकदा ऐ। उन्हें आखेआ जे भारतीय जनता पार्टी मुख गी इस भेठा लेई जाने लेई बचनबद्ध ऐ। उन्हें गलाया जे पिच्छले 9 बरें च 25 करोड़ लोक गरीबी थवां बाहर आई चुके दे न। इस्सै दौरान गौतम बुद्ध नगर थवां भाजपा दे मेदवार महेश शर्मा होंरें लोकसभा चुनांस आस्तै नामांकन दाखल करी दिता ऐ।

<><><><><><>

India World Bank

विश्व बैंक नै आखेआ ऐ जे 2024 च भारत दी अर्थ बवस्था 7 अशारिया 5 फीसद दी दर कन्नै बदने दा अनुमान ऐ। भारत आस्तै अपने पैहले दे अनुमान च संशोधन करदे होई विश्व बैंक नै एहदे च इक अशारिया 2 फीसद दा बाददा कीता ऐ। हाल दे विकास मुजब बरे 2024 च दक्खन

एशिया दी समग्र वृद्धि दर 6 फीसद रौहने दी मेद ऐ। ऐसा मुक्ख तौर पर भारत च तेज विकास ते पाकिस्तान ते श्रीलंका च आर्थिक बहाली करी मुमकिन होआ ऐ। रिपोर्ट मुजब दक्खन एशिया बरे 2025 च 6 अशारिया 1 फीसद दी अनुमानित आर्थिक वृद्धि दर कन्नै अगले 2 बरे तगर दुनिया च सब्बनै थवां तेज आर्थिक वृद्धि दर आला क्षेत्र बने दा रौहग।

<><><><><><>

LG-Deligations

साहित्यकारें ते स्कालरें दे इक प्रतिनिधिमंडल दी अगुवाई करा रदे पदमश्री डॉ. के.एन पंडिता होरें उपराज्यपाल मनोज सिन्हा हुंदे नै राजभवन जम्मू च मलाटी कीती। इयां गै लखारी ते शायर कंवल पेशन, द्रोनाचार्य पुरस्कार जेतु वुशु कोच श्री कुलदीप हांडू होरें बी राजभवन च उपराज्यपाल हुंदे नै मलाटी कीती। उद्घाटन टेबल टेनिस एसोसिएशन दे प्रतिनिधिमंडल दी अध्यक्षता हुंदे जनरल सेक्रेटरी तरून चौहान ते एम.एल.एच.पी डॉक्टरें दे प्रतिनिधियें बी उपराज्यपाल हुंदे नै मलाटी कीती।

<><><><><><>

ते हुन बाकी दिएं खबरें कन्नै शिवि सूरी।

EC-Law and Order

निर्वाचन आयोग कन्नू बवस्था दी स्थिति दी समीक्षा आस्तै राज्यें ते केंद्र शासित प्रदेशें दी कन्नू प्रवर्तन एजेंसिएं कन्नै बैठक करा रदा ऐ। बैठक च गैर कन्नूनी गतिविधियें ते जब्ती गी रोकने ते अंतर राज्य ते अंतरराष्ट्रीय बन्ने पर सख्त निगरानी कन्नै सरबंधी गैंस पर विचार विमर्श होना ऐ। आयोग नै कल लोकसभा ते विधानसभा चुनांस दौरान 6 राज्यें च खास निगरानें दी नियुक्ति कीती गई ऐ। खास निगरान पच्छिम बंगाल, उत्तर प्रदेश, महाराष्ट्र ते बिहार लेई नियुक्त कीते गए न जित्थे अबादी 7 करोड़ थवां मती ऐ। आयोग नै चुनाएं च रपे पैसे दे इस्तेमाल पर रोक लाने ते

मौजूदा खर्च दी निगरानी मजबूती कन्ने करने लेई आंध्र प्रदेश, कर्नाटक, तमिलनाडू, उत्तर प्रदेश ते ओडिशा च खास निगरानें दी तैनाती कीती ऐ।

<><><><><><>

SVEEP-Kud

मतदाताएं गी जागरूक करने लेई ट्यूलिप गार्डन कुद च कुद दे सरकारी हायर सेकेंडरी स्कूल कन्ने रलिये स्वीप पैहल दे इक हिस्से दे तौरा पर जागरूकता कार्यक्रम आयोजित कीता गेआ। इस मौके उधमपुर उपजिला चुनांस अफसर डॉ. अनिरूद्ध राय ते जिला स्वीप नोडल अफसर डॉ. प्रीती शर्मा होरें विद्यार्थियें ते कुद ग्रां थमां मकामी लोकें सक्रियता नै एहदे च शमूलियत कीती। कार्यक्रम दौरान विद्यार्थियें, नौजवान मतदाताएं गी औंदे लोकसभा चुनाएं जेड़ा जे 19 अप्रैल गी शुरू होआ रदे न, गितै मकामी भाषा च नाटक ते गीत राहें जागरूक कीता। किट्ठ गी संबोधित करदे होई हर इक गी मतदान च हिस्सा लैने ते महिला मतदाताएं लेई 'पिंक बूथ' ते 85 बरे या औंदे कौला उप्परली उम्मी दे वरिष्ठ नागरिकें लेई घरें थमां वोट पौने दी सुविधा दे बारे गल्ल उजागर कीती। कारजक्रम दे अखीर च मतदान दी जरूरत ते जेड़े जे मतदान केंद्रें तोड़ी नेई पुज्जी सकदे, उंदी मदद करने गितै सगंध चुक्की गई। उनें विद्यार्थियें गी उंदे अभिभावकें तोड़ी एह संदेश पुजाने ते राष्ट्र निर्माण च मतदान जरिये अपनी शमूलियत दी जरूरता पर बल दिता।

<><><><><><>

DC-Samba Training

साम्बा दे जिला प्रशासन नै जिला चुनांस अफसर अभिषेक शर्मा हुंदी दिक्ख-रिक्ख च डी.सी दफ्तर च चुनांस अमले लेई दुए गेड़ दी सिखलाई कारजक्रम आयोजित कीता गेआ। त्रै खंडें च कोई 450 कर्मियें गी सिखलाई दिती गई। कार्यक्रम दा मकसद औंदी लोकसभा चुनाएं लेई तैयारियें गी अग्गे बदाना हा तां जे आजादाना, पारदर्शिता ते सुचारू चुनांस कराए जाई सकै। सिखलाई सत्र च माहिरें

ई.वी.एम गी सेई तरीके नै सील करना, इंस्टाल करना, एदे कम्म करने दे बारे जानकार बनाया ते फार्म 12, 12-ए ते 12 डी बी डाक राएं मतपत्रें लेई बंडे गो। अमले गी मतदान प्रक्रिया च उंदी भूमिका ते कर्तव्य दे बारे जानकार कीता गेआ। जिला चुनांs अफसर होरें अपने कर्तव्य गी निभाने उप्पर जोर भरेया।

<><><><><><>

CS-HADP

मुख सचिव अटल डुल्लु होरें केंद्र शासित प्रदेश च राईबाई उत्पादन विभाग आस्सेया लागू कीती गेदी एच.ए.डी.पी परियोजना दी प्रगति दा जायजा लैता। बैठका दौरान मुख सचिव होरें अज्जै तोड़ी विभाग आस्सेआ 2023-24 बरे लेई कार्जक्रम तैहत हर इक परियोजना लेई मित्थे गेदे लक्ष्यें गी हासल करने ताई पुट्टी गेदी गेंs बारे जायजा लैता। उनें जम्मू-कश्मीर दे उपायुक्तें ते परियोजना मैनेजरें थमां परियोजनाएं दे लागू होने उप्पर प्रगति दे बारे जानकारी हासल कीती। डुल्लु होरें बैंकें आस्सेआ खारिज होने दे कारणें ते माली संस्थानें थमां सलाह मशवरे दे बारे बी गल्ल आकखी। मुख सचिव होरें दक्ष किसान पोर्टल उप्पर वीडियोज़ दी गिनतरी बदाने गी आखेआ तां जे करसानें गी जानकार बनाया जाई सके। उनें स्कास्ट कश्मीर ते जम्मू दे वाइस चासलरें गी बी नमें कोर्स लेई वीडियोज़ दे म्यार उप्पर नेइमी तक्क रखने दे बारे बी आखेआ।

<><><><><><>

Reasi-Handicrafts

जम्मू-कश्मीर दे जिला रियासी च ग्रामीण महिलाएं पारंपरिक मकामी घाह कन्ने बने दे हत्थखड्डी नमी चीजें दे स्वदेशी अविष्कार कीता ऐ। उंदा एह बिरला अविष्कार मकामी बबियान घाह कन्ने नमियां चीजां बनाइयां न। इक्क महिला करसान अनीता देवी होरें अपने विचार सांझा करदे होई आखेआ।

<><><><><><>

RS-Oath

केंद्री मंत्री डॉ. एल मुरुगन सनें राज्यसभा दे 11 नमें सदस्ये अज्ज सगंध लेती। उपराश्ट्रपति ते राज्यसभा दे सभापति जगदीप धनखड़ होंरे सदस्ये गी संसद भवन दे अपने कक्ष च सगंध दोआई। जिनें सदस्ये सगंध लेती उंदे च बिहार दे प्रोफेसर मनोज झा, धर्मशीला गुप्ता ते संजय यादव, हिमाचल प्रदेश दे हर्ष महाजन, हरियाणा दे सुभाष चंद्र, महाराश्ट्र दीमेधा कुलकर्णी ते चंद्रकांत हंडोरे कर्नाटक दे जी.सी चंद्रशेखर, गुजरात दे गोविंद भाई पोलकिया, उत्तर प्रदेश दी साधना सिंह ते मध्य प्रदेश दे अशोक सिंह शामिल न। साबका प्रधानमंत्री डॉ. मनमोहन सिंह हुंदे सने 56 सदस्ये दा राज्यसभा दा कार्यकाल इस हफते समाप्त होआरदा ऐ।

<><><><><><>